

2001/EES/20/18

**ÁKVÖRÐUN SAMEIGINLEGU EES-NEFNDARINNAR**  
**nr. 18/2000**

**frá 28. janúar 2000**

**um breytingu á XIV. viðauka (Samkeppni)**  
**við EES-samninginn**

SAMEIGINLEGA EES-NEFNDIN HEFUR,

1. gr.

með hliðsjón af samningnum um Evrópska efnahagssvæðið, eins og hann var aðlagður með bókun um breytingu á samningnum um Evrópska efnahagssvæðið, er nefnist hér á eftir samningurinn, einkum 98. gr.,

og að teknu tilliti til eftirfarandi:

- 1) XIV. viðauka við samninginn var breytt með ákvörðun sameiginlegru EES-nefndarinnar nr. 84/97 frá 12. nóvember 1997<sup>(1)</sup>.
- 2) Reglugerð framkvæmdastjórnarinnar (EB) nr. 2790/1999 frá 22. desember 1999 um beitingu 3. mgr. 81. gr. sáttmálans gagnvart flokkum lóðrétttra samninga og samstilltra aðgerða<sup>(2)</sup>, skal felld inn í samninginn.
- 3) Reglugerð framkvæmdastjórnarinnar (EB) nr. 2790/1999 kemur, frá og með 1. júní 2000, í stað reglugerða framkvæmdastjórnarinnar (EBE) nr. 1983/83 og 1984/83 frá 22. júní 1983 um beitingu 3. mgr. 85. gr. sáttmálans gagnvart flokkum samninga um einkadreifingu<sup>(3)</sup> annars vegar og einkakaup<sup>(4)</sup> hins vegar, með áorðnum breytingum samkvæmt reglugerð framkvæmdastjórnarinnar (EB) nr. 1582/97<sup>(5)</sup>, og reglugerð framkvæmdastjórnarinnar (EBE) nr. 4087/88 frá 30. nóvember 1988 um beitingu 3. mgr. 85. gr. sáttmálans gagnvart flokkum umboðssamninga<sup>(6)</sup>, sem eru hluti af samningnum og ber því að fella brott úr honum frá og með 1. júní 2000.
- 4) Þar sem gildistími reglugerða (EBE) nr. 1983/83, 1984/83 og 4087/88 rann út 31. desember 1999 var hann framlengdur til 31. maí 2000 með reglugerð (EB) nr. 2790/1999. Sama framlenging ætti að gilda samkvæmt samningnum.

ÁKVEDIÐ EFTIRFARANDI:

(1) Stjtið. EB L 160, 4.6.1998, bls. 42 og EES-viðbætur við Stjtið. EB nr. 22, 4.6.1998, bls. 30.

(2) Stjtið. EB L 336, 29.12.1999, bls. 21.

(3) Stjtið. EB L 173, 30.6.1983, bls. 1.

(4) Stjtið. EB L 173, 30.6.1983, bls. 5.

(5) Stjtið. EB L 214, 6.8.1997, bls. 27.

(6) Stjtið. EB L 359, 28.12.1988, bls. 46.

1. Eftirfarandi undirliður bætist við í 2. lið (reglugerð framkvæmdastjórnarinnar (EBE) nr. 1983/83) í XIV. viðauka við samninginn:

„– **399 R 2790**: Reglugerð framkvæmdastjórnarinnar (EB) nr. 2790/1999 frá 22. desember 1999 (Stjtið. EB L 336, 29.12.1999, bls. 21).“

2. Eftirfarandi undirliður bætist við í 3. lið (reglugerð framkvæmdastjórnarinnar (EBE) nr. 1984/83) í XIV. viðauka við samninginn:

„– **399 R 2790**: Reglugerð framkvæmdastjórnarinnar (EB) nr. 2790/1999 frá 22. desember 1999 (Stjtið. EB L 336, 29.12.1999, bls. 21).“

3. Eftirfarandi breytingar eru gerðar á 8. lið (reglugerð framkvæmdastjórnarinnar (EBE) nr. 4087/88) í XIV. viðauka við samninginn:

1. Bæta ber eftirfarandi við á undan aðlögunarliðunum:

„, eins og henni var breytt með:

– **399 R 2790**: Reglugerð framkvæmdastjórnarinnar (EB) nr. 2790/1999 frá 22. desember 1999 (Stjtið. EB L 336, 29.12.1999, bls. 21).“

2. Aðlögunarliður j) falli brott.

2. gr.

Eftirfarandi breytingar eru gerðar á XIV. viðauka við samninginn og öðlast þær gildi 1. júní 2000:

1. Eftirfarandi komi í stað titils kafla B „SAMNINGAR UM EINKAKAUP OG -SÖLU“:

„LÓÐRÉTTIR SAMNINGAR OG SAMSTILLTAR AÐGERDIR“.

2. Eftirfarandi komi í stað textans í 2. lið (reglugerð framkvæmdastjórnarinnar (EBE) nr. 1983/83) í XIV. viðauka við samninginn:

„**399 R 2790**: Reglugerð framkvæmdastjórnarinnar (EB) nr. 2790/1999 frá 22. desember 1999 um beitingu 3. mgr. 81. gr. sáttmálans gagnvart flokkum lóðréttra samninga og samstilltra aðgerða (Stjtið. EB L 336, 29.12.1999, bls. 21).

Ákvæði reglugerðarinnar skulu, að því er þennan samning varðar, aðlöguð sem hér segir:

a) í 6. gr. lesist málslíðurinn „á grundvelli 1. mgr. 7. gr. reglugerðar nr. 19/65/EBE“ sem „annaðhvort að eigin frumkvæði eða að beiðni hinnar eftirlitsstofnunarinnar, eða ríkis innan lögsögu hennar, eða einstaklinga eða lögpersóna sem telja sig eiga lögmætra hagsmuna að gæta“;

b) eftirfarandi málsgrein bætist við í lok 6. gr.:

„Í slíkum tilvikum er þar til bærri eftirlitsstofnun heimilt að gefa út ákvörðun í samræmi við 6. og 8. gr. reglugerðar (EBE) nr. 17/62, eða samsvarandi ákvæði sem eru fyrirhuguð í bókun 21 við EES-samninginn, án þess að viðkomandi fyrirtækjum sé gert að tilkynna það.““

3. Texti 3. liðar (reglugerð framkvæmdastjórnarinnar (EBE) nr. 1984/83) falli brott.

4. Yfirskrift kafla E (Umboðssamningar) og texti 8. liðar (reglugerð framkvæmdastjórnarinnar (EBE) nr. 4087/88) falli brott.

3. gr:

Fullgiltur texti reglugerðar framkvæmdastjórnarinnar (EB) nr. 2790/1999 á íslensku og norsku fylgir sem viðauki við útgáfu þessarar ákvörðunar á hvoru máli fyrir sig.

4. gr:

Ákvörðun þessi öðlast gildi hinn 29. janúar 2000, að því tilskildu að allar tilkynningar samkvæmt 1. mgr. 103. gr. samningsins hafi verið sendar sameiginlegu EES-nefndinni(\*).

Ákvæði 1. gr. koma til framkvæmda frá 1. janúar 2000.

5. gr:

Ákvörðun þessi skal birt í EES-deild og EES-viðbæti við *Stjórnartíðindi Evrópubandalaganna*.

Gjört í Brussel 28. janúar 2000.

Fyrir hönd sameiginlegu EES-nefndarinnar

**F. Barbaso**

formaður.

(\*) Engin stjórnskipuleg skilyrði gefin til kynna.